

Resolución do 13 de maio de 2022 da Dirección Xeral de Centros e Recursos Humanos pola que se convoca concurso de méritos específico entre persoal funcionario de carreira e en prácticas do corpo de mestres para cubrir, en comisión de servizos, postos de escolarización a alumnado de atención preferente

O Decreto 244/1999, do 29 de xullo, polo que se regula a cobertura de diversas prazas por persoal funcionario público docente que imparte ensinanzas de niveis non universitarios, prevé no seu artigo 3.2, que as prazas que nel se indican poderán ser cubertas mediante o correspondente concurso específico de méritos e polo prazo que se determine na convocatoria. As devanditas prazas deberán ser provistas a través dun concurso específico de méritos mediante nomeamento temporal con reserva do posto de traballo de orixe e polo tempo que se estableza na correspondente convocatoria que, en ningún caso, poderá exceder en máis de seis anos.

A atención do alumnado con necesidades específicas de apoio educativo nos centros de escolarización preferente contemplados na disposición adicional quinta do Decreto 30/2007, do 15 de marzo, polo que se regula a admisión do alumnado en centros docentes sostidos con fondos públicos que imparten as ensinanzas reguladas na Lei orgánica 2/2006, do 3 de maio, de educación, debe efectuarse con profesorado con destino definitivo. Sen prexuízo do anterior, a escolarización do alumnado de atención preferente en centros ordinarios que, por non ser de escolarización preferente, non van contar con recursos humanos permanentes, aconsella unha certa permanencia do mestre ou mestra co alumnado de ser posible durante unha etapa educativa, evitando un cambio de docente cada curso académico. Posto que estas necesidades educativas teñen un carácter temporal e non poden cubrirse con carácter definitivo, procede a súa provisión en réxime de comisión de servizos, sen prexuízo de que este profesorado atenda outras posibles necesidades existentes no centro.

Na súa virtude, esta Dirección Xeral

ACORDA:

Artigo 1. *Obxecto*

Convocar concurso público de méritos específico entre persoal funcionario de carreira e persoal funcionario en prácticas do corpo de mestres, para adxudicar, en comisión de servizos, as prazas que figuran no anexo I desta orde.

Artigo 2. *Persoal participante e requisitos*

Poderá participar nesta convocatoria o persoal funcionario de carreira e en prácticas do corpo de mestres que se atope en situación de servizo activo na Comunidade Autónoma de Galicia no curso académico 2021/2022.



Entendese tamén en situación de servizo activo na Comunidade Autónoma de Galicia ao 31 de agosto de 2022 aquel persoal docente que desde un destino definitivo da Comunidade Autónoma de Galicia accedeu a un posto docente no estranxeiro e que debe reincorporarse obrigatoriamente a esta comunidade no próximo curso académico.

Tamén poderá participar o persoal funcionario de carreira que estea en situación de excedencia voluntaria concedida pola Consellería de Cultura, Educación e Universidade, e se se trata do suposto de excedencia voluntaria por interese particular recollida no artigo 173 da Lei 2/2015, do 29 de abril, do emprego público de Galicia, só poderán participar se ao finalizar o curso escolar en que se realice esta convocatoria teña transcorrido un ano desde que pasaron a esta situación.

Así mesmo poderá participar o persoal funcionario de carreira desta consellería que estea en comisión de servizos fóra desta comunidade autónoma.

O persoal participante deberá posuír a especialidade e, de ser o caso, o requisito específico que se requira para cada praza, así como o título de perfeccionamento en lingua galega ou o certificado de lingua galega (Celga 4) ou certificación ou validación equivalente.

Artigo 3. *Solicitudes e documentación*

O persoal concursante, que poderá solicitar ata un máximo de dez prazas, presentará unha única solicitude axustada ao modelo que figura como anexo II, coa que achegará cuberta a folia de autobaremación que figura como anexo IV, a documentación acreditativa de que posúen os requisitos esixidos para a praza/s solicitada/s e a documentación xustificativa dos méritos que alegue segundo o baremo que figura como anexo III.

Non terán que presentarse aqueles documentos xustificativos dos méritos alegados que xa figuren no seu expediente persoal no enderezo web <https://www.edu.xunta.gal/datospersoais/>

No caso de que o persoal participante posúa méritos que non consten no seu expediente ou que sexan incorrectos, ademais de presentar a solicitude de participación no concurso de méritos específico de acordo co establecido no artigo 4, deberá presentar a solicitude de actualización e/ou modificación do expediente xunto coa documentación xustificativa de acordo co establecido no artigo 7 da Orde do 2 de xuño de 2021 pola que se regulan o contido, uso e acceso ao expediente do persoal funcionario dos corpos docentes e do persoal laboral docente que imparte as ensinanzas reguladas na Lei orgánica 2/2006 (código de procedemento ED011A).

O órgano de selección reserva para si o dereito de poder exixir ao persoal aspirante calquera documentación complementaria e/ou rexeitar calquera certificado cando existan dúbidas razoables sobre a súa autenticidade.



Artigo 4. *Lugar e prazo de presentación*

O prazo de presentación de solicitudes será de 5 días hábiles contados a partir do día seguinte ao da publicación desta resolución no portal de internet da consellería <http://www.edu.xunta.gal>.

As solicitudes cubriranse empregando o modelo que figura como anexo II e poderán presentarse por vía electrónica utilizando o formulario PR004A, dispoñible na sede electrónica da Xunta de Galicia, <https://sede.xunta.gal>, ou por calquera dos medios previstos no artigo 16.4 da Lei 39/2015, do 1 de outubro, do procedemento administrativo común das administracións públicas. No suposto de optar pola presentación da solicitude e demais documentación ante unha oficina de Correos, farase en sobre aberto para que a solicitude sexa selada polo persoal de Correos antes de ser certificada.

Logo de rematado o prazo de presentación de solicitudes, non se admitirá ningunha modificación nas peticións formuladas.

Artigo 5. *Comisión de selección*

1. A selección do persoal aspirante será realizada por unha comisión, nomeada pola persoa titular da Dirección Xeral de Centros e Recursos Humanos, integrada polas seguintes persoas membros:

Presidencia: a persoa titular da Subdirección Xeral de Recursos Humanos ou persoa en quen delegue.

Vogais: ata un máximo de tres vogais, elixidos/as entre persoal funcionario de carreira que ocupe postos de xefatura de servizo ou xefatura de sección da Consellería de Cultura, Educación e Universidade ou membros da inspección educativa, e un/unha vogal membro dos equipos de orientación específicos.

Unha persoa funcionaria da Consellería de Cultura, Educación e Universidade, que actuará como secretario ou secretaria con voz e sen voto.

Ademais poderá asistir á comisión unha persoa representante de cada organización sindical con presenza na mesa sectorial docente non universitaria, con voz e sen voto.

2. Para a valoración dos apartados 1, 2, 3, 4.3 e 4.4 do baremo establecido no anexo II a comisión de selección poderá delegar esta función nunha subcomisión formada por persoal funcionario da Consellería de Cultura, Educación e Universidade.

3. Os membros da comisión e, de ser o caso, da subcomisión, estarán suxeitos ás causas de abstención e recusación establecidas nos artigos 23 e 24 da Lei 40/2015, do 1 de outubro, de réxime xurídico do sector público, e terán dereito a percibir asistencias e axudas de custo por concorreren ás sesións, conforme ó Decreto 144/2001, do 7 de xuño (DOG do 25), modificado



polo Decreto 144/2008, de 26 de xuño (DOG do 18 de xullo) e polo Decreto 96/2011, do 5 de maio (DOG do 30 de maio) estando cualificadas na categoría primeira.

Artigo 6. *Resolución provisional e reclamacións*

Logo de realizada a valoración dos méritos, publicarase no portal de internet da Consellería de Cultura, Educación e Universidade <http://www.edu.xunta.gal> a resolución provisional do concurso de méritos específico xunto coa adxudicación das prazas, o baremo, a relación de persoas excluídas e a causa da súa exclusión.

As persoas interesadas poderán formular renuncia e as reclamacións que consideren, no prazo de 3 días hábiles contados desde o seguinte ao da súa publicación no portal de internet desta consellería. As reclamacións entenderanse resoltas mediante a publicación da resolución definitiva.

A renuncia á participación no concurso de méritos específico implica a renuncia a todas as peticións formuladas.

Artigo 7. *Resolución definitiva e recursos*

Será seleccionado o persoal participante que acade a maior puntuación para a praza que solicita segundo o baremo establecido no anexo III.

No caso de producirse empates no total das puntuacións outorgadas, estes resolveranse atendendo sucesivamente e por esta orde á maior puntuación acadada nos apartados 4.1, 4.2, 2.1, 2.2, 1, 3.1, 3.2, 3.3, 3.4, 3.5, 3.6, 4.3 e 4.4.

A resolución definitiva ditarase pola persoa titular da Dirección Xeral de Centros e Recursos Humanos, logo da proposta da comisión de selección, e publicarase no portal de internet da Consellería de Cultura, Educación e Universidade <http://www.edu.xunta.gal>.

Contra a resolución definitiva do concurso de méritos específico, que lle pon fin á vía administrativa, as persoas interesadas poderán formular con carácter potestativo un recurso de reposición ante a persoa titular da Dirección Xeral de Centros e Recursos Humanos da Consellería de Cultura, Educación e Universidade, no prazo dun mes contado desde o día seguinte ao da súa publicación no portal de internet da Consellería de Cultura, Educación e Universidade <http://www.edu.xunta.gal> de conformidade co establecido na Lei 39/2015, do 1 de outubro, do procedemento administrativo común das administracións públicas, ou ben directamente o recurso contencioso-administrativo no prazo de dous meses perante o Xulgado do Contencioso Administrativo que resulte competente, segundo o establecido na Lei 29/1998, do 13 de xullo, reguladora da xurisdición contencioso-administrativa.



Artigo 8. *Toma de posesión*

As persoas seleccionadas deberán incorporarse ás prazas obtidas con data do 1 de setembro do ano 2022, e cesarán no seu destino de procedencia o 31 de agosto do mesmo ano.

As prazas adxudicaranse en réxime de comisión de servizos e con reserva do posto de traballo de orixe, por un período dun ano prorrogable ata que o alumno remate a etapa educativa que cursa e como máximo por un período que, incluída a comisión de servizos inicial e as eventuais prórrogas, non poderá superar os 6 anos de duración, de acordo co disposto no punto 2 do artigo 3 do Decreto 244/1999, do 29 de xullo. A prórroga esixirá petición da persoa interesada e o informe favorable da inspección educativa e, de resultar preciso, informe complementario do equipo de orientación específico.

Disposición adicional primeira

Todos os requisitos de participación así como os méritos alegados deben reunirse na data de finalización do prazo de presentación de solicitudes.

Disposición adicional segunda

No que atinxe aos servizos docentes prestados a fracción de ano computarase a razón de 0,0416 puntos por cada mes completo.

Disposición adicional terceira

1. No que respecta ás actividades de formación do apartado 4 do anexo III:

As actividades de formación do profesorado a partir do 23 de maio de 2013 deberán cumprir co establecido na Orde do 14 de maio de 2013 pola que se regula a convocatoria, o recoñecemento, a certificación e o rexistro das actividades de formación permanente do profesorado en Galicia (DOG n.º 96, do 22 de maio). Quedarán exceptuados deste requisito as actividades de formación específicas recollidas nos subapartados 4.1 e 4.2.

2. Para os efectos da baremación do apartado 4.1 e 4.3 do anexo III sumaranse as horas de todas as actividades, non puntuándose o resto do número de horas inferiores a 10. Cando as actividades veñan expresadas en créditos, entenderase que cada crédito equivale a 10 horas. Para os efectos da baremación do apartado 4.2 e 4.4 do anexo III sumaranse as horas de todas as actividades e non se puntuarán o resto de número de horas inferior a 3.

Disposición adicional cuarta

Para optar a prazas que requiran o coñecemento de linguaxe de signos as persoas solicitantes deberán posuír o título de técnico superior en interpretación da lingua de signos establecido polo Real decreto 2060/1995, de 22 de decembro (BOE núm. 47, do 23 de febreiro) , ou o título de



técnico superior en Mediación Comunicativa establecido polo Real decreto 831/2014, do 3 de outubro (BOE núm. 259, do 25 de outubro) ou o título de intérprete en Linguaxe de Signos Española expedido pola confederación nacional ou pola Federación de Asociacións de Persoas Xordas de Galicia (FAXPG). Na adxudicación das prazas con este requisito terá prioridade o persoal participante que acredite o título de técnico superior.

Para optar a prazas que requiran o coñecemento de Braille as persoas solicitantes deberán acreditar a realización de cursos de Braille organizados pola Organización Nacional de Cegos de España (ONCE) ou por outros organismos oficiais.

Disposición adicional quinta

1. No que respecta á baremación de titulacións de primeiro ciclo, non se entenderá como tal a superación dalgún dos cursos de adaptación.
2. Cando os títulos fosen obtidos no estranxeiro ou fosen expedidos por institucións docentes doutros países, deberá achegarse, ademais, a correspondente homologación.
3. Non se baremarán como méritos académicos os títulos universitarios non oficiais que conforme o Real Decreto 822/2021, do 28 de setembro, polo que se establece a organización dos ensinos universitarios e do procedemento de aseguramento da súa calidade, sexan expedidos polas universidades no uso da súa autonomía.
4. Para os efectos da baremación do subpunto 3.2, cando se alegue o título de doutor non se valorará o título de máster oficial que constituía un requisito de acceso ao doutoramento nin tampouco a suficiencia investigadora nin o certificado-diploma de estudos avanzados.

Asinado electronicamente en Santiago de Compostela

O director xeral de Centros e Recursos Humanos

Jesús Manuel Álvarez Bértolo



ANEXO I

Código Posto	Código Centro	Centro	Localidade	Prazas	Requisitos
1501	15000338	CPI As Mirandas (8)	Ares	1 PT	
1502	15000363	CEIP Ponte Dos Brozos (2) (10)	Arteixo	1 PT con afin AL	
1503	15001124	CEIP Francisco Vales Villamarín (2)	Betanzos	1 PT con afin AL	
1504	15027770	IES A Sardiñeira (5)	Coruña, A	1 PT	Coñecemento de Braille
1505	15005701	CEIP Plurilingüe San Pedro De Visma (2)	Coruña, A	1 PT	
1506	15005014	CEIP Raquel Camacho (2) (10)	Coruña, A	1 PT con afin AL	
1507	15027241	CEIP Juan Fernández Latorre (5)	Coruña, A	1 PT	Coñecemento de Braille
1508	15027708	CEIP Pl. Ría do Burgo (2)	Culleredo	1 AL	
1509	15024227	CEIP De Pazos (2)	Ferrol	1 PT	
1510	15024938	CEIP De Esteiro (5)	Ferrol	1 PT	Coñecemento de Braille
1511	15021846	CEIP Plurilingüe San Xoán de Filgueira (2)	Ferrol	1 PT	
1512	15007621	CPI Pl. Cabo da Area (1)	Laxe	1 PT	
1513	15009071	CPI Castro Baxoi (8)	Miño	1 PT con afin AL	
1514	15022310	CEIP A Gándara (2)	Narón	1 PT	
1515	15010681	CEIP Plurilingüe Alexandre Rodríguez Cadarso (9)	Noia	1 AL	Coñecemento de sistemas de comunicación alternativos e aumentativos (trabállase con GRID 3)
1516	15010848	CEIP Felipe Castro	Noia	1 AL	
1517	15025694	IES Moncho Valcarce (5)	Pontes de García Rodríguez, As	1 PT	Coñecemento de Braille
1518	15014544	CEIP Plurilingüe O Grupo	Ribeira	1 PT	
1519	15015676	CEIP Prácticas López Ferreiro (1)	Santiago de Compostela	1 PT	
1520	15018471	CEIP Ortigueira (9)	Vedra	1 AL con afin PT	
2701	27002249	CPI Plurilingüe de Castrovverde (2)	Castrovverde	1 PT	
2702	27003175	IES Val do Asma (3)	Chantada	1 PT con afin AL	Coñecemento de sistemas de comunicación alternativos e aumentativos (trabállase con GRID 3)
2703	27014847	CEIP Plurilingüe do Corgo (8)	Corgo, O	1 AL	Coñecemento GRID 3 ou acreditar ter traballado con el.
2704	27005020	CEIP Plurilingüe Lagostelle (3) (5) (4) (2) (10)	Guitiriz	1 AL con afin PT	



Código Posto	Código Centro	Centro	Localidade	Prazas	Requisitos
2705	27014008	CEIP Plurilingüe Tino Grandio (2)	Guntín	1 AL	Coñecemento do sist de comunicación alternatva (PECS)
2706	27006383	CEIP A Ponte (3) (5) (11)	Lugo	1 PT	
2707	27014057	CEE Santa María (2)	Lugo	1 PT	
2708	27006371	CEIP Anexa (2)	Lugo	1 AL	
2709	27016728	CEIP Illa Verde (1)	Lugo	1 PT	
2710	27006334	CEIP das Mercedes (10)	Lugo	1 AL	Coñecementos en SAAC (especialmente en comunicador Dinámico Verbo).
2711	27006449	CEIP Rosalía de Castro (5)	Lugo	1 AL con afín PT	Coñecemento de Braille
2712	27006531	IES Lucus Augusti (11)	Lugo	1 PT	
2713	27006449	CEIP Rosalía de Castro (5)	Lugo	1 AL con afín PT	
2714	27014860	CEIP Plurilingüe A Gándara (11)	Monforte de Lemos	1 PT	
2715	27016662	CEIP Plurilingüe de Monforte de Lemos (2)	Monforte de Lemos	1 PT con afín AL	
2716	27016662	CEIP Plurilingüe de Monforte de Lemos (8)	Monforte de Lemos	1 PT	
2717	27013703	CEIP de Quiroga (2)	Quiroga	1 AL	Con formación e experiencia en sistemas de comunicación alternativos e aumentativos
2718	27014082	EEl Xela Árias (2), (3), (6), (9), (10), (12)	Sarria	1 PT	
2719	27012887	CEIP do Vicedo (10)	Vicedo, O	1 AL con afín PT	
2720	27013338	CEIP Insua Bermúdez (9), (10), (11)	Vilalba	1 AL	Con dominio de sistemas alternativos da comunicación SAAC; Método TEACCH, programa Grid.
2721	27015724	CEIP Monseivane (3) (6) (8) (9) (10)	Vilalba	1 AL	
2722	27013336	IES María Sarmiento (8)	Viveiro	1 AL	Con experiencia e formación en sistemas de comunicación alternativos e aumentativos e amplificador DSN.
2723	27013336	IES María Sarmiento (1)	Viveiro	1 PT	
2724	27005691	CEIP Plur. Pedro Caselles Rollán (2)	Xove	1 AL	Con experiencia e formación en sistemas de comunicación alternativos e aumentativos
3201	32000058	CEIP Padre Feijoo (2) (10)	Allaríz	1 PT con afín AL	
3202	32020781	CEIP Plurilingüe O Ruxidoiro (2)	Barbadás	1 PT con afín AL	
3203	32002122	CEIP Nosa Sra. Xuvencos (2)	Boborás	1 PT	
3204	32002951	CEIP Plurilingüe Calvo Sotelo (9)	Carballiño, O	1 AL con afín PT	Coñecemento do Sistema de comunicación GRID 3
3205	32015918	CEIP Carmen García Carrasco (2)	Cenlle	1 AL con afín PT	



Código Posto	Código Centro	Centro	Localidade	Prazas	Requisitos
3206	32003771	CEIP Plurilingüe Curros Enriquez (8)	Celanova	1 PT con afín AL	Coñecemento en Sistemas Alternativos e Aumentativos de Comunicación (SAAC) e en metodoloxía TEACCH
3207	32006358	CEIP do Xurés (6)	Lobios	PT	
3208	32008392	CEIP Plurilingüe A Inmaculada (2)	Ourense	1 PT	
3209	32008771	CEIP de Práct. da E.U. Form. Profes. EXB (2)	Ourense	1 PT	Coñecemento do Sistema de comunicación GRID e da Metodoloxía TEACCH
3210	32008835	CEIP Curros Enriquez (2), (10)	Ourense	1 AL	
3211	32004830	CEIP Carlos Casares (1), (10)	Xinzo de Limia	1 PT	Formación Práctica en contención
3212	32015232	IES Lagoa de Antela (6)	Xinzo de Limia	1 AL con afín PT	Coñecemento da metodoloxía TEACCH
3601	36015093	CEIP San Tomé (2)	Cambados	1 PT	Formación: Sistemas de Comunicación Aumentativas e Alternativas (SAAC).
3602	36001707	CEIP Pl. Manuel Sieiro (8)	Crecente	1 PT	Formación especializada en TEA e TDAH.
3603	36014672	CEIP Serra de Vincios (8)	Gondomar	1 PT afín AL	
3604	36003662	CEIP Pl. Chano Piñeiro (8)	Gondomar	1 PT	
3605	36003662	CEIP Pl. Chano Piñeiro (8)	Gondomar	1AL	
3606	36003959	CEIP Manuel Rodríguez Sinde (8)	Guarda, A	1 AL	Formación en TEACCH
3607	36005555	CEIP Marquesa do Pazo da Mercé (2) (10)	Neves, As	1 AL	
3608	36004460	CEIP Ardán (2) (4)	Marín	1 AL	
3609	36004472	CEIP Carballal (2)	Marín	1 PT	
3610	36004484	CEIP da Laxe (2) (6)	Marín	1 AL	
3611	36004927	CPI Mondariz (2)	Mondariz	1PT	
3612	36005245	CEIP Mestre Martínez Alonso (2)	Mos	1 AL	
3613	36024756	CEE Panxón (1)	Nigrán	1 PT	
3614	36005774	CEIP Pl. Humberto Juanes (2)	Nigrán	1 PT	
3615	36007242	CEIP de Viñas (8)	Poio	1 AL	
3616	36007242	CEIP de Viñas (8)	Poio	1 PT	
3617	36020143	IES de Poio (8)	Poio	1 PT	
3618	36007497	CEIP Pl. Nosa Señora dos Remedios (2)	Ponteareas	1PT	
3619	36007539	CEIP Fermín Bouza Brey (8)	Ponteareas	1 PT	





Código Posto	Código Centro	Centro	Localidade	Prazas	Requisitos
3620	36006353	CEIP Vilaverde-Mourente (2) (3) (4)	Pontevedra	1 AL	
3621	36006109	CEIP de Parada-Campañó (8)	Pontevedra	1 PT	
3622	36006109	CEIP de Parada-Campañó (8)	Pontevedra	1 AL	
3623	36020325	IES Illa de San Simón (4)	Redondela	1 PT	Coñecemento de linguaxe de signos
3624	36018410	CEIP Pl. Quintela (2)	Redondela	1 PT	
3625	36008489	CEP Altamira (8)	Salceda de Caselas	1 AL	
3626	36014738	CEIP Pl. De Leirado (8)	Salvaterra de Miño	1 PT	
3627	36008751	CEIP Pl. Infante Felipe de Borbón (2)	Salvaterra de Miño	1 PT	
3628	36016966	CEP Carlos Casares (8)	Salvaterra de Miño	1 PT	
3629	36009524	CEIP Pl. Pedro Caselles Beltrán (2)	Tomíño	1 PT	
3630	36009846	CEIP Pl. N°1 de Tui. (2)	Tui	1 AL	
3631	36009846	CEIP Pl. N°1 de Tui. (2)	Tui	1PT	
3632	36010460	CEIP Alfonso D. Rodríguez Castelao (2)	Vigo	1 PT	
3633	36010460	CEIP Alfonso D. Rodríguez Castelao (10)	Vigo	1 AL	
3634	36010162	CEIP A Canicouva (2) (1)	Vigo	1 PT	
3635	36010711	CEP Dr. Fleming (6) (1)	Vigo	1 AL afín PT	
3636	36010711	CEP Dr. Fleming (2)	Vigo	1 PT	
3637	36015251	CEIP Pl. Frián Teis (8)	Vigo	1 AL	
3638	36015627	CEIP Pl. García Barbón (2) (10)	Vigo	1 AL	Formación especializada en SAAC.
3639	36010241	CEIP Illas Cíes (8)	Vigo	1 PT	
3640	36010538	CEIP Pl. Lope de Vega (2)	Vigo	1 PT	
3641	36009962	CEIP Otero Pedrayo (8)	Vigo	1 PT	Formación especializada en TEA e TDAH
3642	36010071	CEIP Pl. Santa Mariña (2)	Vigo	1PT	Formación especializada en SAAC.
3643	36010629	CEIP Vicente Risco (10)	Vigo	1 AL afín PT	Formación especializada en SAAC.
3644	36014799	EEl Vila Laura (8)	Vigo	1 PT	
3645	36014799	EEl Vila Laura (2)	Vigo	1 AL	Formación especializada en SAAC.
3646	36010125	CEIP de Fonte Escura (8)	Vigo	1 PT	
3647	36010125	CEIP de Fonte Escura (8)	Vigo	1 AL	
3648	36012742	CEIP Vilaxoán (2)	Vilagarcía	1PT	



Código Posto	Código Centro	Centro	Localidade	Prazas	Requisitos
3649	36012742	CEIP Vilaxoán (2)	Vilagarcía	1 AL	
3650	36012985	CEIP de Sestelo-Baión (2)	Vilanova de Arousa	1 PT	

- (1) Trastornos graves de conducta
- (2) Trastorno do espectro do autismo
- (3) Discapacidade motora
- (4) Discapacidade sensorial (hipoacusia)
- (5) Discapacidade sensorial visual
- (6) Discapacidade intelectual
- (7) Altas capacidades
- (8) Pluridiscapacidade
- (9) Discapacidade física asociada a dificultades graves da linguaxe
- (10) Trastornos da comunicación
- (11) Atrazo psicomotor e discapacidade cognitiva



ANEXO II

PROCEDEMENTO	DOCUMENTO
Concurso de méritos específico entre persoal funcionario en prácticas e de carreira do corpo de mestres para cubrir, en comisión de servizos, postos de escolarización a alumnado de atención preferente	SOLICITUDE

DATOS DA PERSOA SOLICITANTE							
NOME		PRIMEIRO APELIDO		SEGUNDO APELIDO		NIF	
TIPO	NOME DA VÍA			NUM	BLOQ	ANDAR	PORTA
PARROQUIA				LUGAR			
CÓDIGO POSTAL	PAÍS	PROVINCIA	CONCELLO		LOCALIDADE		
TELÉFONO	TELÉFONO MÓBIL		CORREO ELECTRÓNICO				
CORPO	ESPECIALIDADE		DESTINO				

PRAZAS QUE SOLICITA POR ORDE DE PREFERENCIA					
Nº	Código Posto	CENTRO (deben incluírse os díxitos entre paréntese que identifican as características da praza)	ESPECIALIDADE PT ou AL)	LOCALIDADE	PROVINCIA
1					
2					
3					
4					
5					
6					
7					
8					
9					
10					

SINATURA DA PERSOA SOLICITANTE					
Lugar e data					
	,	de		de	

A persoa solicitante declara:

1. Que todos os datos contidos nesta solicitude e nos documentos que achega son certos.
2. Que reúne os requisitos exixidos neste concurso de méritos específico e comprométese a probar documentalmente todos os datos que figuran nesta solicitude se for necesario.

**Subdirección Xeral de Recursos Humanos
Dirección Xeral de Centros e Recursos Humanos
Consellería de Cultura, Educación e Universidade**



ANEXO III

Méritos	Total puntos máximo
<p>1.- Antigüidade</p> <p>Por cada ano de servizos efectivos prestados en situación de servizo activo como persoal funcionario docente no corpo de mestres: 0,50 puntos por ano e 0,0416 por cada mes.</p>	6 puntos
<p>2.- Servizos</p> <p>Servizos prestados na especialidade de Pedagogía terapéutica ou na de Audición e linguaxe:</p> <p>2.1.-Por cada ano de servizos efectivos prestados en situación de servizo activo como persoal funcionario docente na especialidade de Pedagogía Terapéutica cando a praza que se solicite sexa desta especialidade: 0,50 puntos por ano e 0,0416 por cada mes.</p> <p>2.2.-Por cada ano de servizos efectivos prestados en situación de servizo activo como persoal funcionario docente na especialidade de Audición e linguaxe cando a praza que se solicite sexa desta especialidade: 0,50 puntos por ano e 0,0416 por cada mes.</p>	6 puntos
<p>3.- Méritos académicos:</p> <p>1.- Polo título de doutor: 2 puntos.</p> <p>3.2.- Polo título universitario oficial de máster distinto do requirido para o ingreso á función pública docente, para cuxa obtención se exixisen, polo menos 60 créditos: 1,50 puntos.</p> <p>3.3.- Polo recoñecemento de suficiencia investigadora ou o certificado-diploma de estudos avanzados: 1 punto.</p> <p>3.4.- Por cada título de grao distinto do alegado para o ingreso no corpo: 0,50 puntos.</p> <p>3.5.- Por cada titulación de segundo ciclo: 0,50 puntos.</p> <p>3.6.- Por cada titulación de primeiro ciclo distinta da alegada para o ingreso no corpo: 0,25 puntos.</p>	6 puntos
<p>4.- Actividades de formación</p> <p>4.1.- Por actividades superadas de formación específica directamente relacionadas coas necesidades educativas especiais (0,2 puntos por cada 10 horas): ata 4 puntos.</p> <p>4.2.- Por actividades impartidas de formación específica directamente relacionadas coas necesidades educativas especiais (0,2 puntos por cada 3 horas): ata 2 puntos.</p> <p>4.3.- Por actividades superadas e non baremadas no subpunto 4.1 que teñan por obxecto o perfeccionamento sobre aspectos científicos e didácticos das especialidades do corpo de mestres ou relacionadas coa organización escolar ou coas tecnoloxías aplicadas á educación, organizadas polas administracións educativas que se atopan en pleno exercicio das súas competencias en materia educativa, por institucións sen ánimo de lucro que fosen homologadas polas administracións precitadas, así como as organizadas polas universidades (0,10 puntos por cada 10 horas de actividades de formación acreditadas): ata 2</p>	9 puntos



Méritos	Total puntos máximo
puntos. 4.4.- Por actividades de formación impartidas e non baremadas no subpunto 4.2 (0,10 puntos por cada 3 horas de formación acreditadas): ata 1 punto.	

ANEXO IV
Folla de autobarefacción

Méritos	Puntuacións parciais	Total
<p>1.- Antigüidade (máx. 6 puntos)</p> <p>Por cada ano de servizos efectivos prestados en situación de servizo activo como persoal funcionario docente no corpo de mestres: 0,50 puntos por ano e 0,0416 por cada mes.</p> <p>2.- Servizos (máx. 6 puntos)</p> <p>Servizos prestados na especialidade de Pedagogía terapéutica ou na de Audición e linguaxe:</p> <p>2.1.-Por cada ano de servizos efectivos prestados en situación de servizo activo como persoal funcionario docente na especialidade de Pedagogía Terapéutica cando a praza que se solicite sexa desta especialidade: 0,50 puntos por ano e 0,0416 por cada mes..</p> <p>2.2.-Por cada ano de servizos efectivos prestados en situación de servizo activo como persoal funcionario docente na especialidade de Audición e linguaxe cando a praza que se solicite sexa desta especialidade: 0,50 puntos por ano e 0,0416 por cada mes..</p> <p>3.- Méritos académicos: (máx. 6 puntos)</p> <p>1.- Polo título de doutor: 2 puntos.</p> <p>3.2.- Polo título universitario oficial de máster distinto do requirido para o ingreso á función pública docente, para cuxa obtención se exixisen, polo menos 60 créditos: 1,50 puntos.</p> <p>3.3.- Polo recoñecemento de suficiencia investigadora ou o certificado-diploma de estudos avanzados: 1 punto.</p> <p>3.4.- Por cada título de grao distinto do alegado para o ingreso no corpo: 0,50 puntos.</p> <p>3.5.- Por cada titulación de segundo ciclo: 0,50 puntos.</p> <p>3.6.- Por cada titulación de primeiro ciclo distinta da alegada para o ingreso no corpo: 0,25 puntos.</p> <p>4.- Actividades de formación (máx. 9 puntos)</p> <p>4.1.- Por actividades superadas de formación específica directamente relacionadas coas necesidades educativas especiais (0,2 puntos por cada 10 horas): ata 4 puntos.</p> <p>4.2.- Por actividades impartidas de formación específica directamente relacionadas coas necesidades educativas especiais (0,2 puntos por cada 3 horas): ata 2 puntos.</p> <p>4.3.- Por actividades superadas e non baremadas no subpunto 4.1 que teñan por obxecto o perfeccionamento sobre aspectos científicos e didácticos das especialidades do corpo de mestres ou relacionadas coa organización escolar ou coas tecnoloxías aplicadas á educación, organizadas polas administracións educativas que se atopen en pleno exercicio das súas competencias en materia educativa, por institucións sen ánimo de lucro que fosen homologadas polas administracións precitadas, así como as organizadas polas universidades (0,10 puntos por cada 10 horas de actividades de formación acreditadas): ata 2 puntos.</p> <p>4.4.- Por actividades de formación impartidas e non baremadas no subpunto 4.2 (0,10 puntos por cada 3 horas de formación acreditadas): ata 1 punto.</p>		

